

## ¡BOMBA!

Península es cosa aparte,  
y esto no es ningún cuento:  
a nadie falta alimento,  
sólo a la quinta parte




# K'uintsil

Lunes 14 de octubre de 2024

CAMPECHE · YUCATÁN · QUINTANA ROO · AÑO 10 · NÚMERO 2340 · [www.lajornadamaya.mx](http://www.lajornadamaya.mx)

## U Nobelil Paze' u ti'al, japonesil múuch'kab ku kaxtik u tse'elel ts'oono'ob



HE

### Nihon Hidankyo

U Nobelil Paze' k'a'aytaab le viernes máaniko', u ti'al jump'éel japonesil múuch'kabil ku k'aaba'tik Nihon Hidankyo, tu'ux ku múuch'o'ol máaxo'ob béyechaj u jechik u wa'awak'ajil Hiroshima yéetel Nagasaki tu ja'abil 1945, "yóokolal ba'ax tu beetajo'ob ti'al ma' u yantal nuklear ts'oono'ob te'el yóokol kaaba".

Múuch'kabile', káajsa'ab tu ja'abil 1856. Chiimpol'taab tumen "tu ye'esaj yéetel u muuk'il u t'aane', nuklear ts'oono'obe' ma' unaj u ka' k'aabéetkunsaal mix bik'ini", a'alab tumen máax jo'olbesik noruegoil Comité Nobel, Jørgen Watne Frydnes. Máax beetik u copresidenteil Nihon Hidankyo, Toshiyuki

Mimaki, ja'ak' u yóol ka tu yilaj chiimpol'taab múuch'kabil tu'ux yaan. "Mix juntéen tin náaytaj wa je'el u yúuchul le je'ela", tu ya'alaj ti' k'a'aytajil tsikbal beeta'ab tu kaajil Tokio. Máax jo'olbesik Comité Nobe'le' tu ya'alaj "jak'be'en óol" tumen "u je'ets'el ma' u k'aabéetkunsaal nuklear

ts'oono'ob" úuchik u seen wa'awaka'al ba'al tu winalil agosto tu ja'abil 1945e', walkila' "taan presionarta'al". "Chiimpol'taal te'el ja'aba' ku kaxtik u mu'uk'ankúunsik veto nuklear jets'aabij. Tuláakalo'on k'aabéet kmeyaj u ti'al, u ya'abile' máaxo'ob mu'uka'an nuklear ba'al u ti'al", tu ya'alaj Frydnes.

Afp  
Boonil Nobel Prize